



Служба

**собору новомучеников
и исповедников
Церкве Русския**

25 января

Зри. Вѣстно бѹди, яко аще сий 25-й день случится в неделю, служба новомучеников и исповѣдников поется в сию неделю.

Аще же в понедельник, вторник или среду случится, поется служба их в предыдущую неделю.

Аще же в четверток, пятък или суббѹту, поется служба их в грядущую неделю.

На Велицей вечерни:

На Господи, воззвах:

Стихирѹ воскрѣсны гласа и новомучеников:

Стихирѹ новомучеников, Глас 5:

Радуйтесѹ, новомученицы и исповѣдницы Россійстии,/ правосла́вных удо́брѣние,/ новозакла́ннии а́гнцы,/ ве́ры побѣ́рницы и храні́телие,/ ходатаи о нас к Бо́гу непосты́днии,/ в ле́та послѣ́дняя/ страда́ньми подража́телие пе́рвым му́чеником явѣ́стесѹ,/ терпе́ния столпи́ непоколебѣ́мнии,// ду́шам на́шим испросі́те ве́лию ми́лость.

Радуйтесѹ, страсотѣ́рпцы сла́внии,/ стопа́м послѣ́дующе дре́вних му́ченик,/ ве́ры ра́ди подвижа́стесѹ тве́рдо/ в лю́тая временá землі́ на́шея/ и ны́не всех подвижа́ете к сла́ве и хвалѣ́нію Бо́га,/ укре́пльшаго ва́ше немощно́е естество́/ и обогати́вшаго вас дарова́ньми Ду́ха,// во спасѣ́ние душ на́ших.

Творѣ́ние свт. Афанасія Ковро́вскаго, Глас то́йже:

Прииді́те, Небе́снии предста́телие на́ши, к нам,/ ва́шего ча́ющим ми́лостивнаго посещѣ́ния,/ и изба́вите озло́бленныя мучі́тельскими прещѣ́нии/ лю́таго неі́стовства неве́рных,/ от нѣ́хже, яко плѣ́нницы и на́зи, гонѣ́ми есмы́,/ от ме́ста на ме́сто ча́сто прехо́дяще/ и заблужда́юще в верте́пех и гора́х./ Уще́дрите у́бо, прехва́льнии,/ и да́руйте нам осла́бу,/ утолі́те бу́рю/ и угасі́те е́же на ны негодова́ние,/ Бо́га моля́ще,// пода́ющаго ва́ми землі́ на́шей ве́лию ми́лость.

Ўны стихіры новомучеников, Глас 6:

Святітелю отче Тіхоне,/ архипастырю многострадальне,/ ты в годину лютых безбожных гонений/ верная чада Церкви Россійския,/ утешая, призывал еси/ за Христа и веру Православную мужественно стоять,/ сам же, по вся дни умирая за паству твою,/ исповедник непоколебимый явился еси.// Сего ради ты с любовью прославляем.

Пастырю истинный,/ священномучениче Владимире,/ егда беззаконнии понуждаху ты/ Церкви Россійския отступить,/ верен делом и словом/ святителю Тихону пребыл еси/ и яко священная жертва от Кіева, матери градов русских,/ Богу принеслся еси,/ моляся о убивающих ты.// Сего ради ты усердно прославляем.

Священномучениче Вениамине,/ Церкви Христовы истинный сине/ и благостояния ея усердный ревнителю,/ противу лжепастырей, тщавшихся расхитити стадо твоё,/ мужественно стал еси/ и, не убоясь прещений и лжесвидетельств мучителей,/ обратил еси суд на главу судивших ты,/ таже смертью твою/ Православие утвердил еси.// Сего ради ты усердно ублажаем.

Слава, новомучеников, Глас 5:

Всевышний Владыко,/ в Троице славимый и покланяемый,/ ущедри ны благоприятными мольбами/ новых мученик Твоих,/ пред мучители дерзновенно исповедавших Тя/ Единого истинного Бога/ и Твоё, Сине Божий,/ неизречённое от Матере Девы// спасительное воплощение.

И ныне, Богородичен, Догматик гласа:

Вход. Прокімен дне:

Деяний святых апостол чтение (гл. 4):

В тѣя дни собѣрашася во Иерусалим князи, старцы, книжницы/ и елицы бѣша от рода архиерейска./ И, поставльше Петра и Иоанна посреде, вопрошаху:/ кою силою, или коим именем исцелиста хромѣго?/ Петр, исполнився Духа Свята, рече:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егже вы распясте,/ Егже Бог воскреси от мертвых,/ о сем сей стоит пред вами здрав./ Сей есть камень, укоренный от вас, зиждущих,/ бывый во главу угла,/ и несть ни о едином же ином спасения./ Несть бо иного имени под небесем, даннаго в человецех,/ о немже подобает спастися нам./ Видяще же Петрово дерзновение и Иоанново, и разумевше,/ яко человека не книжна еста и проста, дивляхуся,/ знаху же их, яко со Иисусом бѣста./ Видяще же исцелѣвшаго человека с ними стояща,/ ничтоже имяху противу рещи./ Повелѣвше же има вон из сонмища изыти,/ стязавхуся друг со другом, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострѣтся в людех,/ прещением да запретим има, кому не глаголати о имени сем ни единому от человек./ И призвавше их,/ заповѣдаша има отнюдь не провещавати, ниже учити о имени Иисусове./ Петр же и Иоанн, отвѣщавше к ним, рѣста:/ аще праведно есть пред Богом/ вас послушати паче, нежели Бога, судите? Не можем бо мы, яже видехом и слышахом, не глаголати./ Они же, призапрѣвше има, пустиша я,/ ничтоже обрѣтше, како мучити их, людей ради,/ яко вси прославляху Бога о бывшем./ Лет бо бѣше множае чѣтыредесяти человек той,/ на немже бысть чудо сие исцеления./ Отпущена же бывша, приидоста к своим и возвестиста,/ елика к ним архиереи и

ста́рцы ре́ша./ Онѣ́ же, слы́шавше, единоду́шно воздвиго́ша глас к Бо́гу и реко́ша:/ Влады́ко, Ты, Бо́же, сотвори́вый не́бо и зе́млю и мо́ре, и вся, я́же в них,/ Ё́же Ду́хом Святы́м усты́ отца́ на́шего Дави́да, о́трока Твоего́, рекл еси́:/ вску́ю шата́шася язы́цы и лю́дие поучи́шася тщётным?/ Предста́ша ца́рие зе́мстии,/ и кня́зи собра́шася вку́пе на Го́спода и на Христа́ Егó./ Собра́шася бо вои́стину во гра́де сем на свята́го О́трока Твоего́ Иису́са,/ Егóже пома́зал еси́,/ Ё́род же и Понти́йский Пила́т, с язы́ки и людьми́ израи́левыми,/ сотвори́ти, елика́ рука́ Твоя́ и совет́ Твой предна́рече́ бы́ти./ И ны́не, Го́споди, при́зри на преще́ния их/ и даждь рабо́м Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцеле́ния,/ и зна́мением и чуде́сем быва́ти и́менем святы́м О́трока Твоего́ Иису́са./ И помолѣ́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,// и глаго́лаху сло́во Бо́жие со дерзнове́нием.

К Тимофе́ю послáния свята́го апо́стола Па́вла чтéние (гл. 4):

Ча́до Тимофе́е,/ засвиде́тельствую́бо аз пред Бо́гом и Го́сподем на́шим Иису́с Христóм,/ хотя́щим суди́ти живы́м и ме́ртвым в явле́нии Егó и ца́рствии Егó:/ пропове́дуй сло́во,/ насто́й благовре́менне и безвре́менне,/ обличи́, запрети́, умоли́ со вся́ким долготерпе́нием и уче́нием./ Бúдет бо вре́мя, егда́ здра́ваго уче́ния не послу́шают,/ но по свои́х по́хотех избра́т себе́ учи́тели, че́шеми слúхом,/ и от и́стины слух отвратя́т, и к ба́снем уклоня́тся./ Ты же трезви́ся о всем, злопостражди́,/ де́ло сотвори́ благове́стника,/ служе́ние твоё извё́стно сотвори́./ Аз бо уже́ жрен быва́ю,/ и вре́мя моего́ отше́ствия наста́./ По́двигом до́брым подви́зяхся,/ течéние сконча́х, ве́ру соблюдо́х./ Прóчее у́бо соблюда́ется мне вене́ц пра́вды,/ егóже возда́ст ми Госпо́дь в день он, пра́ведный Судия́,/ не то́кмо же мне, но и всем возлю́бльшим явле́ние Егó.

К Евре́ем послáния свята́го апóстола Пáвла чтéние (гл. 11):

Бра́тие,/ и́же ве́рою победи́ша ца́рствия,/ соде́яша пра́вду, получи́ша обетова́ния,/ загради́ша уста́ льво́в,/ угаси́ша си́лу о́гненную,/ избе́гоша о́стрей мечá,/ возмо́гоша от не́мощи,/ бы́ша крѣпцы во бранѣх,/ обрати́ша в бе́гство полки́ чужди́х./ При́яша жены́ от воскресе́ния ме́ртвых свои́х./ Инии же изби́ени бы́ша, не приѣмше избавле́ния,/ да лу́чшее воскресе́ние улу́чат./ Друзи́и же ругáнием и ра́нами искуше́ние при́яша,/ ещѣ же и ѹз и темни́ц./ Ка́мением поби́ени бы́ша,/ претре́ни бы́ша, искуше́ни бы́ша,/ убийством мечá умро́ша,/ проидо́ша в ми́лотех и в ко́зиях ко́жах,/ лишѣни, скорбя́ще, озло́блени./ Ихже не бе досто́ин весь мир,/ в пусты́нях скита́ющесе, и в гора́х, и в верте́пах, и в про́пастех земны́х./ И сии́ вси, послу́шествовани бы́вше ве́рою, не при́яша обетова́ния,/ Бо́гу лу́чшее что о нас предзрэ́вшу,/ да не без нас соверше́нство при́мут.

На Литии стихи́ра хра́ма:

Творѣние свт. Афанáсия Ковро́вскаго.

И новомучеников, Глас 6:

Отча́янни есмы́/ жити́я ра́ди/ и не ймамы нра́ва добродѣтельна,/ я́ко ми́ро, прино́сим Ти, Го́споди,/ моли́твы святы́х срóдников на́ших./ Не отве́ржи Русь, издрѣвле Святую́,/ ны́не же грехо́в на́ших ра́ди лю́те стражду́щую./ Не прѣзри слѣзы ве́рных сыно́в,/ колѣн свои́х пред Ва́алом не преклоня́вших,/ и ихже не порази́л еси́, согрешáющих./ Приими́ нас, ка́ющихся, Бо́же,// святы́х Твои́х молю́бами.

Сла́ва, Глас 8: Прииди́те, мучениколю́бцы,/ прииди́те, состави́м лик,/ торже́ствующе и Бо́га прославля́юще/ в ра́достный пра́здник новомучеников и испове́дников Росси́йских,/ сии́ бо не уклони́шася ско́рби,/ ни убоя́шася темни́цы,/ го́рькими рабо́тами, гла́дом и хла́дом изморѣни/ и многови́дными му́ками умерщвля́еми,/ я́ко а́гнцы незло́бивии, смерть при́яша./ И ны́не в ра́дости святы́х// мо́лят Триеди́наго Бо́га о земне́м оте́честве своѣм.

И ны́не, Глас то́йже: Влады́чице, приими́ моли́твы раб Твои́х/ и изба́ви нас// от вся́кия ну́жды и печа́ли.

На Стихóвне стихи́ры воскрэсны глása:
Творéние свт. Афанáсия Коврóвскаго.
Стихи́ры новомóчеников, Глас 2:

Землѣ Рýсская,/ гра́де святы́й,/ украша́й твой дом,/ в нёмже Божéственный// вéлий сонм святы́х просла́ви.

Стих: Го́споди, Госпо́дь наш,// я́ко чу́дно и́мя Твоё по всей земли́.

Цѣрковь Рýсская,/ красуйся и ликуй,/ се бо ча́да тво́я/ Престо́лу Влады́чню// во сла́ве предстоя́т, ра́дующеся.

Стих: Святы́м, и́же суть на земли́ Егó,// удиви́ Госпо́дь вся хотéния Сво́я в них.

Собóре святы́х рýсских,/ по́лче Божéственный,/ моли́теся ко Го́споду/ о земно́м отéчестве ва́шем// и о почита́ющих вас любóвию.

Славá, Глас то́йже:

Но́вый до́ме Евфра́фов,/ уде́ле избра́нный,/ Русь Свята́я,/ храни́ ве́ру Правосла́вную,// в не́йже тебѣ утвержде́ние.

И ны́не, Богоро́дичен, Глас 8:

О, пресла́внаго чудесе́!/ Небесе́ и земли́ Цари́ца,/ от святы́х срóдников на́ших умоля́емая,/ до ны́не зéмлю Рýсскую покрывáет/ и ли́ка Своего́ изображе́нии мило́стивно обогаща́ет./ О Влады́чице Держáвная!/ Не престáни и на б́удущее вре́мя/ во утвержде́ние на Руси́ Правосла́вия// мило́сти и чудеса́ изливáти до ве́ка. Ами́нь.

На благословéнии хлѣбов:

Тропа́рь Богоро́дице: два́жды

Тропа́рь новомóчеников, Глас 4:

Днесь ра́достно ликует Цѣрковь Рýсская,/ прославля́ющи новомóченики и испове́дники сво́я:/ святители́ и иере́и,/ ца́рственныя страсоте́рпцы,/ благове́рныя кня́зи и княги́ни,/ преподо́бныя му́жи и жены́/ и вся правосла́вныя христиа́ны,/ во дни гонéния безбо́жнаго/ жизнь свою́ за ве́ру во Христа́ положи́вшия/ и крове́ми́ и́стину соблю́дшия./ Тех предста́тельством, долготерпели́ве Го́споди,/ страну́ на́шу в Правосла́вии сохрани́// до сконча́ния ве́ка.

На ўтрени:

На Бог Господь:

Тропарь воскресен, двáжды:

Слáва, Тропарь новомучеников, Глас 4:

Днесь радостно ликует Църковь Русская,/ прославляющи новомученики и исповедники своя:/ святители и иереи,/ царственныя страстотерпцы,/ благоверныя князи и княгини,/ преподобныя мужи и жены/ и вся православныя христианы,/ во дни гонения безбожнаго/ жизнь свою за веру во Христа положившия/ и кровью истину соблюдшия./ Тех предстательством, долготерпеливе Господи,/ страну нашу в Православии сохранити// до скончания века.

И ныне, Богородичен, Глас 4:

Еже от века утаенное/ и Ангелом несведомое таинство,/ Тобою, Богородице, сущим на земли явися Бог,/ в неслитном соединении воплощаем/ и, Крест волею нас ради восприим,/ имже воскресив первозданнаго,// спасе от смерти души наша.

По 1-м и 2-м стихословии седальны воскресны с Богородичны их.

По полиелѣи два седальна новомучеников:

По 1-м стихословии седален, Глас 4:

Новомученицы Россійстии,/ кровию своею веру запечатлевшии,/ Владыку всех молите/ Църковь Русскую в Православии утвердити,/ землю нашу от скверн очистити,/ люди во благочестии сохранить// во общее всех спасение.

Слáва, и ныне, Богородичен, Глас тойже:

В кров Твой, Пречистая Дѣво, прибегающих, мольбу приѣмлеши от нас,/ не претай молящи Человеколюбца,// спасти рабы Твоя.

По 2-м стихословии седален, Глас 4:

Иже в земли Россійстей новомученик и исповедник Твоих,/ яко багрянцею и вѣссом,/ кровью Църковь Русская украсившися, Христѣ Божѣ, теми вопиет Ти:/ людям щедроты Твоя низпосли,/ мир жительству Твоему даруй// и душам нашим велию милость.

Сла́ва, и ны́не, Богоро́дичен, Глас то́йже:

Иже благода́рно воспева́ющийи от се́рдца, и прося́щийи приле́жно Твоя́ ми́лости, Богоро́дице Влады́чице,/ раба́и Твой́ зову́т и глаго́лют:/ Пресвята́я Де́во, предвари́ и изба́ви от враг ви́димых и неви́димых, и вся́каго преще́ния:// Ты бо еси́ на́ше заступле́ние.

Велича́ние:

Велича́ем вас,/ святѣи новому́ченицы и испове́дницы Росси́йстии,/ и чтим честна́я страда́ния ва́ша,/ я́же за Христа́// претерпе́ли есте́.

Псалом избранный: Бог нам прибе́жище и си́ла:

По полиеле́и седа́лен, Глас 6:

Творе́ние святѣтеля Афанасѣя Ковро́вскаго:

Мужа́йся, Христо́ва Це́рковь,/ и держа́вствуй над все́е борю́щими,/ Христо́ви бо дру́зи о тебѣ пеку́тся,/ и предстоя́ще, и обстоя́ще,/ ихже о́бщий пра́здник// ны́не соверша́еши све́тло.

Сла́ва, и ны́не, Богоро́дичен, Глас 8:

Яко Де́ву и еди́ну в жена́х Тя без се́мени ро́ждшую Бо́га плóтию,/ вси ублажа́ем, ро́ди челове́честии:/ огонь бо всели́ся в Тя Божества́,/ и я́ко Младенца́ дои́ши Зиждѣтеля и Го́спода./ Тем, А́нгельский и челове́ческий род, досто́йно сла́вим пречи́стое Рожде́ство Твое́, и согла́сно вопие́м Ти:/ моли́ Христа́ Бо́га, согреше́ний оставле́ние дарова́ти,// покланя́ющимся ве́рою пресвято́му Рожде́ству Твоему́.

А́ще храм новому́чеников:

Проки́мен, Глас 4: Проидо́хом сквозе́ огонь и во́ду,// и изве́л еси́ ны в поко́й. Стих: Разже́гл ны еси́, я́коже разжиза́ется серебро́. Ева́нгелие от Матфе́я, зача́ло 36.

По 50-м псалмѣ стихіра, Глас 6:

Цѣркве Рѹсскія столпѣ непоколебѣмѣи,/ соборе
новомѹчеников и исповѣдников Россійских,/ сѣрдцем
вѣрующе в правду,/ усты Гóспода Иисѹса Христá
исповѣдали естѣ во спасѣние/ и заточѣния, изгнáния,
гóрькія рабóты и смерть/ Бóга рáди слáдце претерпѣли
естѣ./ Тѣмже тѣпле молѣтся ко Гóсподу,/ Русь Святѹю в
Правослáвии утвердѣти// и спастѣ дѹши нáша.

**Канóн воскрѣсен, со ирмосóм на 4,
Богорóдицы на 2 и новомѹчеников на 8.
Канóн новомѹчеников, Глас 6.**

Песнь 1:

Ирмос: Сѣченное сечѣтся/ мóре Чермнóе,/ волнопитáемая
же изсушáется глубинá,/ тáяжде кѹпно безорѹжным бѣвши
проходѣма/ и всеорѹжным гроб./ Песнь же богокрáсная
воспѣвáшеся:// слáвно прослáвился Христóс Бог наш.

Припѣв: *Святѣи новомѹченицы и исповѣдницы
Россійстѣи,/ молѣте Бóга о нас.*

Гóсподи, Бóже наш, прѣсно прославляяй вся святѣя,/ нѣне и нас, недостóйных, сподóби сынóвне прослáвити
святѣх срóдников нáших,/ новомѹчеников и исповѣдников
Россійских.

Кровьмѣ вáшими, священномѹченицы, я́ко в Чермнѣм
мóри, потопѣли естѣ безбóжныя мучѣтели,/ Цѣрковь же
Рѹсская, вáми красящися,/ похвалы побѣдныя, я́ко земля
обетовáнная мед и млекó, вам источáет.

Егда дадѣся вам благодáть не тóчию во Христá вѣровати,/ но и по Нем страдáти,/ немóкренно пучѣну крóвных мук
проидóсте, святѣи мѹченицы,/ вѣрным сыновóм россійским
óбраз явльше,/ и со дерзновѣнным исповѣданием во вратá
Небѣсная внидóсте.

Богорóдичен: Приимѣ песнь хвалѣбную, от недостóйных
уст возносѣмую,/ препрослáвленная Мáти Бóжия.

Песнь 3:

Ирмós: Господь Сый всех и Зиждитель Бог,/ созданное,
Безстрастный, обнищав, Себе соедини,/ и Пасха, за яже
хотяше умерети,/ Сам, Сый, Себе предпожре:/ ядите, вопия,
Тело Моё// и верою утвердитесь.

Припéв: *Святѣи новомученицы и исповѣдницы
Россійстии,/ моли́те Бóга о нас.*

Егда бұря нечестия на Цёрковь Рýсскую воздвѣжеся,/ вы,
святѣи новомученицы, страдáньми вáшими со тщáнием
укротѣсте ю/ и пóдвиги вáшими Правослáвие утвердѣсте.

Муки вéлия за Цёрковь Христóву претерпéсте, святѣи
новомученицы,/ моли́те утвердѣтися ей незýблемей и
непоколебѣмей до скончáния вéка.

Страдáньми и исповѣданием Христа, святѣи срóдницы
нáши,/ вшédше в Небéсная селéния, я́ко дрéвле Израиль в
зёмлю обетовáнную,/ отéчество вáше земнóе, Русь Святúю,
в любви сохраняйте молитвами вáшими.

Богорóдичен: Небéсных кругóв вѣшшая/ и слáвою
Божéственною преукрашénная, Дéво Мáти Бóжия,/ спасѣ
дúши нáша.

Кондáк новомучеников, Глас 3:

Днесь новомученицы Россійстии/ в рѣзах бéлых
предстоят Áгнцу Бóжию/ и со Áнгелы песнь побéдную
воспева́ют Бóгу:/ благословéние, и слáва, и премúдрость,/ и
хвалá, и честь,/ и сѣла, и крéпость/ нáшему Бóгу// во вéки
векóв. Амѣнь.

Ўкос:

Красный ли́че, светозáрнии и божéственнии
светѣльницы,/ Свéту вели́кому предстояще прѣсно,
богоблажénнии мученицы,/ и оттúду испущáемыми
невечérняго Божества сѣянии, всегда просвещáемыми и
обожáемыми,/ вéрою пáмять вáшу совершáющая
божéственную просветѣте,/ и омрачéния и страстéй и бед и
злóбы избáвите,// моля́щеся непрестáнно о всех нас.

Седáлен, Глас 2:

Нóвии стрaстотéрпцы Россíйстии,/ мýченически
пóприще земнóе скончáвший и стрaдáньми дерзновéние ко
Гóсподу приобрétший,/ моли́теся Емý, вас укрéпльшему,/ да
и мы, егдá нáйдет на ны испытáния час,/ мýжества дар
Бóжий воспри́йдем.

Слáва, и ны́не, Богорóдичен, Глас 4:

Не премолчím прíсно, Богорóдице Дéво,/
благодáрственно воспевáти от сéрдца Твоя́ мýлости,
Владýчице, раб́и Твой́,/ вопиýще и глагóлюще: Пресвятáя
Дéво, предварí, и избáви нас от враг вíдимых и
невíдимых,/ и от нýжды и всякаго прещéния,/ Ты бо еси́
нáше заступлéние.

Песнь 4:

Ирмós: Провíдев прорóк/ тáйну Твою́ неизречénную,
Христé, провозгласí:/ положíл еси́ твéрдую любóвь
крéпости, Отче Щéдрый,/ Единорóднаго бо Сýна, Благíй,/
очищéние в мир послáл еси́.

***Припéв: Святíи новомýченицы и исповéдницы
Россíйстии,/ моли́те Бóга о нас.***

Всем концéм земл́и яв́ися чýдо смотрénия Твоегó, Владýко,/
крóвию бо новомýченик, я́ко водо́ю, угасíл еси́ в Россíйстей
земл́и пла́мень нечéстия и развращénия/ и спасл еси́ лю́ди Твоя́.

Слáву Бóжию унаслéдовасте, новомýченицы,
просия́вши в земл́и нáшей,/ отвéргшеся бо себé и страх
смéртный препобедíвше,/ любóвь к Бóгу дáже до смéрти
мýжественне сохрани́ли естé.

Пóдвигом дóбрым подвизáвшиися, святíи новомýченицы
Россíйстии,/ к покая́нию и добродéтельному жити́ю
подвígните нáс,/ да и мы вáшими моли́твами сподóбимся
прославля́ти Гóспода во Цáрствии Егó.

Богорóдичен: На Твой надеýщеся покрóв, Мáти Бóжия,/
со святýми новомýченики и исповéдники Россíйскими
прославля́ем милосéрдие Твое́.

Песнь 5:

Ирмós: Союзом любвѣ/ связуѣми, апóстоли,/ влады́чествующему все́ми себѣ Христу́ возложше,/ краси́вы но́ги очища́ху, // благовествующе всем мир.

Припе́в: *Святѣи новомученицы и исповѣдницы
Росси́йстии,/ моли́те Бо́га о нас.*

Дерзнове́нно, святѣи, испове́дали естѣ Го́спода пред отступники и гонѣтели:/ с на́ми Бог, взыва́юще, разумѣйте и покая́йтесь,/ стра́ха ва́шего не убо́имся, ни́же смутѣмся, я́ко с на́ми Бог.

Уврачу́йте моли́твами ва́шими, святѣи новомученицы Росси́йстии,/ лю́ди богобо́рныя, враждо́ю и убѣйствы ды́шущия,/ и мир странѣ на́шей и ве́рным лю́дем да́руйте.

Предсто́яще Христу́, вла́сть иму́щу суди́ти все́му ми́ру,/ святѣи новомученицы и исповѣдницы Росси́йстии,/ очѣистите нас от грехо́в на́ших моли́твами ва́шими,/ да не с ми́ром осужде́ни бу́дем.

Богоро́дичен: Водворя́ет ны зми́й во юдо́ль пла́ча и ча́яния злых,/ не мо́жем терпѣти ско́рби свое́я, взыва́ху новомученицы,/ Ты же, Богороди́тельнице, простѣрла еси́ им покрóв Свой/ и спаса́ла еси́ от сетѣй вра́жиих.

Песнь 6:

Ирмós: Бе́здна послѣдняя грехо́в обы́де мя,/ и, волне́ния не ктому́ терпя́,/ я́ко Ио́на, Влады́ще, вопи́ю Ти:// от тли мя возведѣ́.

Припе́в: *Святѣи новомученицы и исповѣдницы
Росси́йстии,/ моли́те Бо́га о нас.*

Во́лны безбо́жнаго нече́стия тща́хуся пото́пити кора́бль Це́ркве Ру́сския,/ Ты же, И́стинный Ко́рмчий, спасл еси́ шѣствующия на нем моли́твами страстоте́рпцев Росси́йских, вопи́ющих:/ Го́споди Си́л, из смертоно́сных глубины́ возведѣ́ ны.

Безбо́жнии Ка́иновы вну́цы свята́ни церко́вныя поруга́нию и огню́ преда́ша,/ оби́тели разори́ша, хра́мы я́ко ово́щная храни́лища соде́яша,/ хри́столюбivéыя лю́ди в темни́цы заключи́ша и умучи́ша./ Вы же, страсотéрпцы, с любви́ю учи́ли естé:/ сие́ бысть по грехо́м на́шим, лю́дие, пока́йтесь.

Увѣ́ нам, увѣ́, вопия́ху испове́дницы Росси́йстии,/ ви́дяще, я́ко безу́мнии богобо́рцы свята́ни земли́ на́шей разори́ша,/ оби́тели я́ко узи́лища темни́чная соде́яша,/ хра́мы Бо́жии в скве́рная и позори́щная места́ обрати́ша/ и кровь хри́стиа́нскую в них проли́яша./ Сего́ ра́ди опустоши́шася сердца́ нечестивых/ и живо́т их а́ду прибли́жися.

Богоро́дичен: Изведи́ нас из ро́ва поги́бели/ и уврачу́й на́ша грехо́вныя я́звы, Пресвята́я Ма́ти Де́во,/ да неосужде́нно сподо́бимся прѣ́сно прославля́ти новомученики Сы́на Твоего́ и Бо́га на́шего.

Конда́к и ѿкос воскресе́ны:

Песнь 7:

Ирмо́с: О́троцы в Вавило́не/ пещнаго пла́мене не убоя́шася,/ но, посреде́ пла́мене вве́ржени,/ ороша́еми пояху:// благослове́н еси́, Го́споди, Бо́же оте́ц на́ших.

Припе́в: *Святы́и новомученицы и испове́дницы Росси́йстии,/ моли́те Бо́га о нас.*

О́троцы в Вавило́не дре́вле, я́ко основа́ние,/ новомученицы же Росси́йстии ны́не, я́ко увенча́ние,/ с ли́ки страсотéрпец прѣ́сно взыва́ют:/ благослове́н еси́, Го́споди, Бо́же оте́ц на́ших.

О́троцы в Вавило́не пещнаго пла́мене не убоя́шася,/ новомученицы же Росси́йстии, тем подража́юще,/ гоне́ния безбо́жных в ничто́же вмени́ша,/ те́мже ны́не согла́сно с ни́ми воспева́ют:/ благослове́н еси́, Го́споди, Бо́же оте́ц на́ших.

Днесь торжествует Цѣрковь Русская,/ святїи бо новомученицы, сродницы наши,/ к ликостоянием святых, от века Богу благоугодивших, присовокупившися,/ согласно с ними воспевают хвалебную песнь:/ благословен еси, Боже отец наших.

Богородичен: Предстоящи Ти Кресту Сына Твоего, Богомати,/ оружие пройде душу Твою,/ темже и попечение сугубое о возлюбивших Его прияла еси,/ иже Тя сыновне величают:/ благословенна Ты в женах еси, Всенепорочная Владычице.

Песнь 8:

Ирмос: За законы отеческия/ блаженнии в Вавилоне юноши, предбедствующе,/ царюющего оплеваша повеление безумное/ и, совокуплени, имже не сваршася огнем,/ Державствующему достойную воспеваху песнь:/ Господа пойте, дела,// и превозносите во вся веки.

Припев: *Святїи новомученицы и исповѣдницы
Россійстии,/ молите Бога о нас.*

Законы Христовы возлюбивша новомученицы и исповѣдницы Россійстии,/ безбожная же повеления отринувша/ и, ревностию о Боже связуемии,/ Богу победную песнь воспеваху:/ да благословит Господа Русь Святая и превозносит Его во веки.

Егда земля Россійская тмою безбожия и Каиновым озлоблением объята бысть,/ тогда мнози христоролюбивии людие на горькия работы изгнани быша/ и глад, мраз, зной и смерть лютую мужественне претерпеша,/ верою же, надеждою и любовью совокуплени,/ достойную воспеваху песнь:/ да благословит Господа Русь Святая и превозносит Его во веки.

Ангелов хвалу и новомучеников славословие милостивно приемай,/ не отрини, Троицостасный Боже, от сонма их и нас, недостойных,/ но сподоби вкупе с ними воспевати:/ да благословит Господа Русь Святая и превозносит Его во веки.

Богорóдичен: Зрящи поругáние свята́го уде́ла Своего́,/ скорбя́ше Пречи́стая Ма́ти и держа́вную по́мощь ве́рным лю́дем протира́ше,/ Сы́на же Своего́ усер́дно моля́ше, вызы́ающи:/ да благослови́т Го́спода Русь Свята́я и превозно́сит Его́ во ве́ки.

Песнь 9:

Ирмо́с: Стра́нствия Влады́чня/ и безсме́ртныя трапéзы/ на Го́рнем ме́сте вы́сокими умы́,/ ве́рнии, прииди́те, наслади́мся,/ возше́дша Сло́ва,/ от Сло́ва научи́вшися,// Его́же велича́ем.

Припе́в: *Святѣи новомученицы и исповѣдницы
Россійстии,/ моли́те Бо́га о нас.*

Безсме́ртныя трапéзы и жи́зни ве́чныя во Ца́рствии Бо́жием/ наслажда́ются ны́не новомученицы и исповѣдницы Россійстии,/ испо́лнися бо на них обетова́ние Господне:/ побежда́ющим дам се́сти со Мно́ю на Престо́ле Моём.

Да просла́вятся с ли́ки новомучеников и исповѣдников Россійских жены́ богомудрыя земли́ на́шей,/ яже, миронóсиц восприе́мша чин и мужески Христу́ послéдовавша,/ страда́ния за и́мя Его́ претерпе́ша/ и ве́рно отце́м, муже́м и бра́тиям на́шим, Христа́ ра́ди мучимым, послужи́ша./ Сего́ ра́ди ны́не в жи́зни ве́чной вку́пе с ни́ми/ трапéзы безсме́ртныя наслажда́ются.

Жизнода́вче Го́споди,/ моли́твами новомучеников и исповѣдников Россійских/ упоко́й со все́ми пра́ведными ве́рныя рабы́ Твоя́, за и́мя Твое́ пострада́вша:/ святители и иере́и, мона́хи и мирскія,/ ста́рыя, ю́ныя и всяк во́зраст, именúемая и неименúемая,/ я́ко и́стинныя сы́ны и дру́ги Бо́жия.

Богорóдичен: **Я**ко взбра́нная Воево́да во́инства новомучеников и исповѣдников Россійских,/ держа́вный покрóв и ми́лостивное заступле́ние яви́ла еси́, Пресвята́я Де́во, земли́ на́шей,/ опустоша́емей ско́рбными и безбо́жными наведе́нии./ Сего́ ра́ди ны́не мо́лим Тя:/ прости́ лю́ди согре́шшия и сохрани́ Святу́ю Русь.

Светілен воскрѣсен:

Сла́ва, светілен новомучеников:

Яко отрѣбие міру бѣша, святїи новомученицы и исповѣдницы Россїйстїи,/ ка́мением побиѣни бѣша, претрѣни бѣша,/ искушѣни бѣша, убійством мечá умрѡша,// свидѣтельствующе о Свѣте Ёстиннем, Иисусе Христѣ, Гѡсподе нашем.

И ны́не, Богорѡдичен воскрѣсен:

На Хвалі́тех стихіры воскрѣсны и новомучеников:

Стихіры новомучеников, Глас 8:

О, пресла́внаго чудесѣ!/ В послѣдняя времена́ возсия́вают мученицы/ и прѣлести мрак отгоня́ют,/ вѣра христі́анская ны́не возвыша́ется/ и па́дает нечѣстїе,/ ра́дуются вѣрнии/ и прáздник новоявлѣнным составляют,/ вопи́юще Христѹ́ Бѡгу:// мучеников похвалá и побѣда Ты еси́, Всесильне.

Творѣние свт. Афанáсія Коврѡвскаго:

Вѣры броня́ми,/ и щитѡм благодáти,/ и крестá копїем вооружі́вшеся,/ сопротивным сїлам непобѣдїми бѣ́сте/ и, яко Божѣственнии храбѡрницы,/ дѣмонская ополчѣ́ния победї́вше,/ со А́нгелы ликѹ́ете,/ вѣрныя же заступáете, и освяща́ете,// и спаса́ете, призывáемии.

О, пресла́внаго чудесѣ!/ Чудѣс светлостьмї/ со́лнца светлѣ́йше/ прїсно святїи срѡдницы на́ши/ свѣ́тят концѣм Рѹсскїя землї,/ от невечѣрняго Свѣ́та облистáемї,/ ѡ́блацы от страны́ на́шея отгоня́ются вáрварстїи// и дѣмони побежда́ются.

Сла́ва, Глас 6:

Новоявлѣнныя звѣ́зды днесь/ на церкѡ́вней показáшася твѣ́рди,/ во мно́зех мѣ́стех бѣ́вшии мученицы Христѡ́вы,/ ѡ́блаки ублажа́юще, мучениколю́бцы,/ по до́лгу им прирѣ́ем, глаго́люще:/ ра́дуйтеся, благочѣ́стїя утверждѣ́ние и нечѣ́стїя обуздáние;/ ра́дуйтеся, Россї́йскїя Цѣ́ркве сла́во и безбо́жных посрамлѣ́ние;/ ра́дуйтеся, ѡ́брази терпѣ́ния и за Христá страдáния./ Стáните, непобѣдї́мии, посреде́ нас ѹ́мне,/ от бед и искушѣ́ний избавля́юще,// и моли́теся о спасѣ́нии душ на́ших.

И ны́не, Богорѡдичен, Глас 2: Преблагословѣ́нна еси́:

На Божественной Литургіи:

**Блаженна гласа на 6, и от канона новомучеников,
песнь 3, на 4.**

Тропáрь воскресный гласа:

Тропáрь новомучеников, Глас 4:

Днесь радостно ликует Цérковь Рýсская,/ прославляючи
новомученики и исповéдники своя:/ святители и иерéи,/
цáрственные страсотéрпцы,/ благовёрныя князи и княгини,/
преподóбныя мýжи и жены/ и вся правослáвныя христиáны,/ во
дни гонéния безбóжнаго/ жизнь свою за вéру во Христа
положившия/ и кровью́ и́стину соблю́дшия./ Тех
предстáтельством, долготерпéливe Гóсподи,/ странú нашу в
Правослáвии сохрани́// до скончáния вéка.

Кондáк воскресный гласа:

Кондáк новомучеников, Глас 3:

Днесь новомученицы Россійстии/ в рíзах бéлых
предстоя́т Áгнцу Бóжию/ и со Áнгелы песнь побéдную
воспева́ют Бóгу:/ благословéние, и сла́ва, и премúдрость,/ и
хвалá, и честь,/ и сíла, и крéпость/ нáшему Бóгу// во вéки
векóв. Амíнь.

Прокíмен воскресен гласа, и новомучеников, Глас 7: Бог
нам Прибéжище// и Сíла. **Стих:** Помóщник в скóрбех,
обрéтших ны зело́.

Апóстол дне, и новомучеников, к Рíмляном, зачáло 99.

Аллилуиáрий воскресен гласа, и новомучеников, Глас 4:
Воззва́ша прáведнии, и Господь услýша их, и от всех скорбéй
их избáви их. **Стих:** Мнóги скóрби прáведным, и от всех их
избáвит я́ Господь.

Евáнгелие дне, и новомучеников, от Лукí, зачáло 105 и
106. Конéц: Втерпéнии вáшем стяжíte душá вáша.

Причáстен воскресен, и новомучеников: Рáдуйтеся,
прáведнии, о Гóсподе,/ прáвым подобáет похвалá.

Мо́лѣтва:

*Припе́в: Святѣи новомученицы и исповѣдницы
Россѣйстии,/ мо́лите Бо́га о нас.*

О, святѣи новомученицы и исповѣдницы Россѣйстии:/ святѣтелие и па́стырие Цѣркве Христо́вы,/ ца́рственнии страстоте́рпцы,/ благове́рнии кня́зие и княги́ни,/ до́блии во́ини, мона́си и мирстѣи,/ благочестѣвии му́жие и жены́,/ во вся́цем во́зрасте и сосло́вии за Христа́ пострада́вшии,/ ве́рность Ему́ да́же до сме́рти свидѣтельствовавшии/ и вене́ц жи́зни от Него́ прия́вшии!/ Вы во дни гоне́ния лю́таго,/ зе́млю на́шу от безбо́жных пости́гшаго,/ на суди́щах, в заточе́ниях и про́пастех земных́,/ в го́рьких рабо́тах и вся́ких ско́рбных обстоя́ниях/ о́браз терпе́ния и непосты́днаго упова́ния му́жественне яви́ли есте́./ Ны́не же, в рай сла́дости наслажда́ющесе́,/ пред Престо́лом Бо́жиим во сла́ве предсто́ите/ и прѣсно хвалу́ и ходата́йство со А́нгелы и все́ми святы́ми Тριеди́ному Бо́гу возно́сите./ Сего́ ра́ди мы, недостой́нии,/ мо́лим вас, святѣи срóдницы на́ши:/ не забúдите земна́го оте́чества ва́шего,/ грехо́м Ка́инова братоубѣйства,/ поруга́нием святы́нь, безбо́жием и на́шими беззакóнии отягче́ннаго./ Умо́лите Го́спода Сил,/ да утверди́т Цѣрковь Свою́ непоколеби́му в ми́ре сем многотече́жнем и лука́вом;/ да возроди́т в землѣ на́шей дух братолю́биа и ми́ра;/ да па́ки бу́дем мы ца́рское свяще́ние,/ род Бо́жий, избра́нный и святы́й,/ прѣсно с ва́ми сла́вящий Отца́ и Сы́на и Свята́го Ду́ха во ве́ки веко́в. **А**ми́нь.

Тропарь новомучеников, Глас 4:

Днесь радостно ликует Церковь Русская,/ прославляющи новомученики и исповедники своя:/ святители и иереи,/ царственные страстотерпцы,/ благоверные князи и княгини,/ преподобные мужи и жены/ и вся православные христианы,/ во дни гонения безбожного/ жизнь свою за веру во Христа положившия/ и кровью истину соблюдшия./ Тех предстательством, долготерпеливе Господи,/ страну нашу в Православии сохрани// до скончания века.

Кондак новомучеников, Глас 3:

Днесь новомученицы Российскойсии/ в ризах белых предстоят Агнцу Божию/ и со Ангелы песнь победную воспевают Богу:/ благословение, и слава, и премудрость,/ и хвала, и честь,/ и сила, и крепость/ нашему Богу// во веки веков. Аминь

Величание:

Величаем вас,/ святые новомученицы и исповедницы Российскойсии,/ и чтим честная страдания ваша,/ яже